

Sandra Brown:

Mucha muhernan tin derecho di existi respet door di nan novio

ORANJESTAD (AAN) -- Den dos articulo DIARIO ta elabora riba e charla di Sandra Brown, miembro di Fundacion Pa Hende Muher den Dificultad, cual por cierto "a lanta stof" durante su presentacion di e tema "Nos ta pas cu otro?", en ocasion di e forum organisa pa Aruba Junior Chamber, den cual, recientemente, el a fungi como panelista.

E forum a carga e nomber "Bo sa kico ta matrimonio?", manera DIARIO a bin ta menciona den varios articulo publica den e transcurso di siman.

"NOS TA PAS CU OTRO?" ta e prome pregunta pa cual ambos partner den un relacion di noviazgo mester tin cla, prome cu nan drenta den enlace matrimonial, Sandra a bisa, poniendo mas enfasis riba e damitanan pasobra den su experiencia na pia di trabao, e mayoria di caso di maltrato domestico y abuso pa

cual hende ta bin busca ayudo cerca FHMD ta hende muher. Sandra a menciona cu tanto e mucha homber como e mucha muher mester ta sincero cu otro, y cu e damita no mester worde forza ha haci loke e no kier, kizas pa temor na perde su pareha.

Sandra ta compronde cu pa mayoria di hobencita ta "great" pa e tin un mucha homber. Pero e mester tene cuenta cu diferente aspecto prome cu cera un relacion amoroso.

Entre otro:

1) Wak si e mucha homber ta un bon persona;
2) observa su forma di actua y di papia;

3) mira relacion intimo como algo masha sagrado mes, pa asina evita e.o. embarazo indesea;

4) no tin miedo di existi respet.

Riba e punto aki Sandra a señala cu mucha muher tin derecho di no laga un cabay-

erito acerque mes, si e ta bin cu mal manera. Bon trato ta conduci na bon comunicacion, mal manera no!

5) Wak bon e mucha homber ki su interesnan ta, si e kier bin traha mesora e caba school of e lo kier sigui prepara y forma su mes.

6) Cual ta e cualidadnan cu e mucha homber tin.

Despues di a menciona algun punto Sandra Brown a puntra e studiantenan presente den e sala, ta ken di nan sa haci presupuesto. Esaki ta algo cu ambos den e pareha mester tene bon na cuenta pasobra e aspecto economico den hopi matrimonio por trece friccion. Tambe ta asina cu e pareha mester ta prepara pa comparti, e.o. e responsabilidatnan di cas.

Sandra Brown a acentua cu hende muher di awendia mester siña para riba su pianan. Nan mester forma parti di e mercado laboral y no keda de-

pende di hende homber. E muchanan homber tambe mester siña cushina, drecha cama, laba paña, etc. etc.

mes, specialmente si ainda nan no ta prepara pa asumi e rol di maternidad responsablemente.

RELIGION TA IMPORTANTE

Punto di bista di Sandra Brown ta cu religion ta importante den tur relacion amoroso. No importa di cual religion e pareha ta, pero principio y balornan ta e fundeshi riba cual religion ta lanta, y esaki ta fundamental den un matrimonio.

EMBARAZO HUBENIL

Sandra Brown a referi na embarazo hubenil como algo cu e no ta califica di corecto of incorrecto, pero den sentido practico e ta haya cu e damitanan mester protege nan

MALTRATO DOMESTICO

Cerca dje na Fundacion pa Hende Muher den Dificultad hopi hende muher ta bin ora cu nan relacion di pareha a fracas.

Tambe den corant tur hende por lesa tocante casonan di maltrato domestico, cu segun Sandra Brown, ta sosode mas tanto di hende homber contra hende muher.

Pesey ta necesario pa e pareha, specialmente e mucha muher, analiza conscientemente prome cu yega asina leu di casa, si nan ta pas cu otro.

Chupa Dede Restaurant
Tel: 843-433
DIABIERNA
Ta presenta
Mariachi Perla di Aruba
Diasabra
Boysi Croes.
Cushina Criollo. For di 10'or en adelante.

TA HUUR
na J.G. Emanstraat # 57 local pa
Discoteca of Local Comercial
totalmente amuebla
informacion Tel: 823-854

POLYRAMA GARAGE
ta anuncia su ofertanan pa luna di:
JUNI 1998
20% RIBA PARTS/ DEN STOCK/ ORA BO HACI UN GENERAL SERVICE DEN NOS GARAGE
15% Riba parts (den stock) ora bi haci un MOTOR SERVICE DEN NOS GARAGE
pa autonan
Buick, Cadillac, Chevrolet, GMC, Oldsmobile & Pontiac
PA UN APPOINTMENT. YAMA 827005
OF PASA NA **POLYRAMA AUTO PARTS**
SEROE PATRISHI 47-A

Kiko BO
ke SA?

E GRANDIOSO BARATILLO TA SIGUI NA

**new
amsterdam store**

Caya Betico # 50